

տի. ով որ կամեցաւ՝ հեծաւ ի վերայ մեր եւ վարեաց մեզ, ուր որ ինքն կամեցաւ, եւ երբեմն դրացիք մեր արարին մեզ իբրեւ շունս որսորդի» (56):

Իսկ որ ամենից զլիաւորն է՝ «ոչ ոք մընաց ի մէջն զպնիւ յարենէ, այլ ամենեքեան միարան եւ միախոհ եղաք մշակ ալլազգաց, վաստակելով յերես երկրին մերոյ իբրեւ անասուն եւ անրան» (33):

Արդ, ինչն է այդ դժոխային կացութեան պատճառը:

Չմտնանք ամենից առաջ միջանկեալ կերպով նկատել, որ մեր հեղինակի համար հայ ժողովրդից դուրս ուրիշ պատճառներ, այսպէս ասած՝ առարկայական պատճառներ գոյութիւն չունին: Նա անտեսում է, օրինակի համար, Հայաստանի աշխարհագրական դիրքը, որ եղել է հայ ժողովրդի դժբախտութեան մէկ ամենազլխաւոր պատճառը: Նա անտեսում է, որ հին եւ նոր ժամանակների բոլոր աշխարհակալները շարունակ ձգտել են տիրել Հայաստանին, որովհետեւ նա՝ Հայաստանը Եւրոպան Ասիոյ հետ միացնող կամուրջն է եւ իշխում է Եփրատի ու Տիգրիսի մեծ ճանապարհի վրայ. հետեւապէս Հայաստանին տիրելով միայն աշխարհակալները կարող էին ապահովել իրենց տիրապետութիւնը: Նա անտեսում է Հայաստանի մակերեսութիւն լեռնային կազմութիւնը, որ երբեք հնարաւորութիւն չտուեց հայերին միանալու եւ մի պատկանելի ոյժ կազմելու, այլ ընդհակառակը, բաժան-բաժան արաւ եւ թուլացրեց երկիրը:

Այս եւ սրանց նման ծանրակշիռ փաստերն անտես անելով Հայաստանի դժբաղդութեան միակ պատճառը նա որոնում է հայ ժողովրդի կամ աւելի ճիշդ՝ նրա ներքին յատկութիւնների մէջ:

Թէեւ անզլիական լուսաւոր մթնոլորտում ապրած ու մեծացած, բայց դարձեալ նա չի կարողանում բոլորովին ազատազրուել իր դարի եւ իրենից առաջ եղած հայ հեղինակներին յատուկ մտայնութիւնից: Նա էլ փորձում է հայ ժողովրդի դժբախտութիւնը բացատրել իր՝ ժողովրդի մեղքերովը, ինչպէս այդ կ'անէր մի Թանահատի կամ մի Ծամբի ձորի վարդապետ: Ըստ նրա՝ հայ հողը չաղախուած է արդարների արիւնով. բազմաթիւ անօրէնութիւններ են գործուած եւ անթիւ տնանկներ ու խեղճեր ոտնահարուած: Եւ ուրեմն, միթէ այդ ամէնի համար չպէտք է մեզ վրայ բարկանար Աստուած ու չպատէր մեզ — այսպէս է մտածում նա:

Բայց հայ ժողովրդի թշուառութեան իսկալան եւ զլլխաւոր պատճառը օրէնքի, հաստատուն կարգերի բացակայութիւնն է կամ — ինչպէս ինքն է անուանում — անկարգութիւնը:

Տիեզերքի մէջ ամէն ինչ օրէնք եւ սահմանուած մի կարգ ունի. առանց օրէնքի ոչինչ գոյութիւն չունի եւ ոչինչ չի կարող կատարուել — ահա՛ նրա ելակէտը:

Եթէ բնութեան չորս հակառակ տարրերը իրարու չեն դարձնում եւ աշխարհը կործանում — որովհետեւ օրէնք ունին եւ նրանցից ոչ մէկը չի շեղում նախագծուած ճանապարհից: Եթէ գիշերը եւ ցերեկը միշտ եւ կանոնաւոր յաջորդում են իրար — որովհետեւ այդպէս է սահմանուած: Եթէ արեւը ամէն օր ծագում է եւ իր կենսատու ճառագայթները սրբւում աշխարհի վրայ — որովհետեւ օրէնք ունի: Այսպէս անվերջ:

Մարդն է միայն, որ փոփոխական բնութիւն ունի եւ լստ Ծահամիրեանի՝ ձգտում է որեւէ օրէնքի չենթարկուել: Միեւնոյն մարդը իր կեանքի տարրեր շրջաններում տարրեր բընութիւն ունի. ծերութեան մէջ նա բոլորովին այն չէ, ինչ որ էր իր տղայութեան կամ երիտասարդութեան ժամանակ: Աւելին. իւրաքանչիւր օրը, ժամը, ըստին, անգամ վայրկեանը փոխում են մարդուն. ինչ որ երէկ մեզ թւում էր դեղեցիկ ու լաւ, այսօր թւում է արդեղ եւ վատ. երէկուան բարեկամը այսօր թըշնամի է մեզ. այսօր այրում ենք, ինչ որ երէկ պաշտում էինք:

Իր այս փոփոխական բնութեան պատճառով՝ մարդն ընդունակ է ե՛ւ բարի, ե՛ւ չար գործելու: Հետեւապէս անհրաժեշտ է մէկ միջոց, որը մի կողմից՝ շղթայի պէս կապէր մարդու ձեռները եւ թոյլ չտար չար գործելու, իսկ միւս կողմից՝ խրախուսէր նրան՝ միշտ բարի գործելու:

Այդ փրկարար մեջոցը — հեղինակի կարծիքով — օրէնքն է, կարգը, որից Հայաստանը, դժբախտաբար, միշտ զրկուած է եղել:

Հայ ժողովուրդը, իր բազմադարեան գո-